




RAD SAVJETA SPORTSKO RIBOLOVNOG SAVEZA JUGOSLAVIJE

Početkom godine održana je sjednica Savjeta Sportsko ribolovnog saveza Jugoslavije na kojoj je usvojen plan rada Savjeta za 1969 godinu i izvršena analiza rada u 1968. godini. Unutar dvije godine postojanja Savjeta osjeća se pojačana aktivnost na u-napređenju ribarstva i ribarskog turizma. Tako će Savjet u ovoj godini održati savjetovanje o temi: »Stanje i perspektive sportskog i turističkog ribolova u Jugoslaviji« na kojem će uz pretstavnike sportskih organizacija sudjelovati i veći broj ribarskih i turističkih stručnjaka.

Na sjednici je također izvršena analiza aktivnosti Savjeta u Međunarodnoj organizaciji sportskog ribolova (CIPS), čiji je Savjet član, pa je konstatirano da je aktivnost CIPS-a previše usmjerena na razna takmičenja, dok je gotovo u potpunosti izostala aktivnost u pravcu rješavanja najaktuelnijih problema sportskog ribolova na slatkim vodama, kao što su na pr.: uništavanje riba industrijskim otpacima, smanjivanje ribljeg fonda zbog hidromelioracija, problemi sportskoribolovnog turizma na međunarodnom planu, itd.

Savjet je osim toga donio zaključak da reprezentacije Jugoslavije kroz iduće dvije godine ne sudjeluje na evropskom prvenstvu u sportskom ribolovu u bacačkim disciplinama kao i da se Saveznom takmičenju (prvenstvu) u sportskom ribolovu organizira I omladinsko prvenstvo Jugoslavije.

K. P.